

Heriotzek % 7,8 egin zuten behera, 2017ko hirugarren hiruhilekoan

Heriotzek hiru lurraldeetan egin zuten behera

Euskal AEn 4.680 heriotza izan ziren 2017ko hirugarren hiruhilekoan, alegia, aurreko urteko aldi berean baino % 7,8 gutxiago, Eustaten datuen arabera. Hildako pertsonen sexua dela eta, 2.397 (% 51,2) gizonak ziren eta 2.283 emakumeak (% 48,8).

Hiru lurralde historikoetan heriotzek behera egin zuten: Araban 619 pertsona hil ziren (% 6,1eko beherakada), Bizkaian 2.566 (% 7,6 gutxiago) eta Gipuzkoan 1.495 (% 8,7 gutxiago).

Heriotzaren uneko adina kontuan hartzen bada, hildakoen % 21ek 70 urte baino gutxiago zeukan, % 17k 70 eta 79 urte bitartean, % 38k 80 eta 89 bitartean eta, gainerakoek, % 24k, 1.135 pertsonak, 90 urte beteta.

2017ko hirugarren hiruhilekoan izandako heriotzen artean, 13 urtebetetik beherakoak izan ziren (7 mutiko eta 6 neskato).

Heriotzen herena tumoreen ondorio izan zen

Heriotza-kausa nagusiak tumoreak edo zirkulazio-sistemako gaixotasunak izan ziren; 1.517 eta 1.187 heriotza, hurrenez hurren. Alegia, bi horiek heriotzen % 57,8 izan ziren. Hirugarren heriotza-kausa arnas gaixotasunak izan ziren; 356 heriotza egon ziren (% 7,6).

Arnas sistemako gaixotasunek izan zuten beherakada handiena, zehazki % 14,8; gero, nerbio-sistemaren gaixotasunek, besteak beste, Alzheimerrak eta Parkinsonak (% 11,6ko beherakada izan zuten, aurreko urteko hiruhileko beraren aldean).


Aurreko hiruhilekoetan bezala, heriotzen motiboa desberdina izan zen, sexuaren arabera; izan ere, gizonen artean tumoreek (% 38,7) gainditu egin zituzten zirkulazio-sistemako gaixotasunak (% 24,3), eta, emakumeen artean, kausa nagusia gaixotasun kardiobaskularrak izan ziren (% 26,5) eta, ondoren, tumoreak (% 25,8). Gainera, hirugarren heriotza-kausa, gizonen kasuan, arnas sistemako gaixotasunak izan ziren (% 7,9) eta, emakumeetan, nerbio-sistemakoak (% 8,3).

Euskal AEko hazkunde begetatiboa 2017ko hirugarren hiruhilekoan negatiboa izan zen; izan ere, heriotzek gainditu egin zituzten jaiotzak (258 pertsona gehiago). Lurraldeen arabera, Araba da saldo positiboa izan duen bakarra; 150 biztanle gehiago ditu. Bizkaian eta Gipuzkoan, ordea, 362 eta 46 biztanle gutxiago dago, hurrenez hurren.

1. taula: Heriotzak Euskal AEn, sexuaren eta heriotza-kausaren arabera Hiruhilekoen alderaketa

	2017/III		Aurreko hiruhilekoa (2017/II)		Aurreko urteko hiruh. bera (2016/III)	
	Kop.	%	Kop.	%	Kop.	%
HERIOTZAK	4.680	100,0	5.044	100,0	5.074	100,0
Gizonak	2.397	51,2	2.572	51,0	2.617	51,6
Emakumeak	2.283	48,8	2.472	49,0	2.457	48,4
HERIOTZA-KAUSA						
GUZTIRA	4.680	100	5.044	100	5.074	100
Tumoreak	1.517	32,4	1.598	31,7	1.612	31,8
Zirkulazio-aparatua	1.187	25,4	1.351	26,8	1.264	24,9
Arnas aparatua	356	7,6	453	9,0	418	8,2
Nerbio sistema	313	6,7	312	6,2	354	7,0
Txegoste-sistema	216	4,6	198	3,9	230	4,5
Gainerako kausak	1.091	23,3	1.132	22,4	1.196	23,6
GIZONAK	2.397	100	2.572	100	2.617	100
Tumoreak	928	38,7	970	37,7	968	37,0
Zirkulazio-aparatua	582	24,3	637	24,8	619	23,7
Arnas aparatua	190	7,9	245	9,5	239	9,1
Nerbio sistema	123	5,1	121	4,7	145	5,5
Txegoste-sistema	109	4,5	111	4,3	126	4,8
Gainerako kausak	465	19,4	488	19,0	520	19,9
EMAKUMEAK	2.283	100	2.472	100	2.457	100
Tumoreak	589	25,8	628	25,4	644	26,2
Zirkulazio-aparatua	605	26,5	714	28,9	645	26,3
Arnas aparatua	166	7,3	208	8,4	179	7,3
Nerbio sistema	190	8,3	191	7,7	209	8,5
Txegoste-sistema	107	4,7	87	3,5	104	4,2
Gainerako kausak	626	27,4	644	26,1	676	27,5

Iturria: Eustat. Heriotzen estatistika

Bizilekua Euskal AEn dutenen heriotzak. Hileko datuak


Iturria: Eustat. Heriotzen estatistika

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

 Prentsa zerbitzua: servicioprensa@eustat.es Tel.: 945 01 75 62

Orrialdea: 2 (2)